



UNIVERSITÄTS-
BIBLIOTHEK
PADERBORN

Praxis Episcopalis

Piasecki, Paweł

Coloniae Agrippinae, 1620

Aduertenda circa instrumenta Ordinum.

[urn:nbn:de:hbz:466:1-61608](https://nbn-resolving.org/urn:nbn:de:hbz:466:1-61608)

manu celebrantis, reuerenter, & deuotè
sumant sacrosanctum corpus Domini.

Et an pro summo Pontifice ægrotante,
& pro eodem defuncto orent.

Concil.
Prou. 6.
quæ ad

An etiam pro Episcopo ad præscrip-
tum Concilij.

Inquirat etiam de fructibus, & pro-
uentibus Ecclesiæ, quomodo dispen-
sentur.

diu. o. c.
Concil.
Prou. 1.
quæ ad
boa.

Et accuratè videat instrumenta or-
dinum, & bullas beneficiorum: præci-
puè autem infra scripta perpendat.

CAPVT XI.

Aduertenda circa instrumenta Or- dinum.

DILIGENTER, & studiosè cir-
ca ordinum instrumenta Visi-
tator consideret.

Concil.
Triden.
sess. 23.
cap. 12.

An in ætate non legitima promotus
fuerit; id est ad Subdiaconatū ante 22. an-
num ad Diaconatum ante 32. Sacerdotiū
ante 25. inchoatum.

An plures ordines sacros, vel mino-
rem, & Sub diaconatum eodem die sus-
ceperit, & etiam, an plures minores nō
dispensatus ab Ordinario suo.

An sine dispensatione propter inter-
stitia, vbi opus sit.

An, si à non suo Episcopo absque di-
missorijs sui Ordinarij.

An in temporibus à iure non statutis
sine canonica dispensatione; & an in
ordine malè suscepto ministrauerit.

An per saltum; & an sic promotus
ministrauerit.

An obstiterit natalium defectus, e-
tiam occultus; & si fuerit dispensatus in
minoribus saltem ab Episcopo, & in
maioribus à summo Pontifice, an in di-
spensationis petitione falsum narratū,
aut suggestum sit.

An cum dimissorijs Capituli, vel al-
terius loco Capituli infra annum à die
vacationis concessis promotus fuerit,
& hoc casu, an occasione beneficij re-

cepti, vel recipiendi arctatus fuerit.

An maiores ordines ad titulū bene-
ficij, pensionis vel patrimonij nō suffi-
cientis, & actu non possessi susceperit.

Consideret etiam, & inquirat an fur-
tim, vel cum aliquo corporis vitio; quod
deformitatem notabilem induceret,
fuerit promotus.

An excommunicatus, aut per simoniā.

An irregularis ex delicto, vel biga-
mia non dispensatus.

Et circa hæc magna diligentia adhi-
benda est, quia vbi ordines sacri extra
tempora statuta, aut ante ætatem legiti-
mam, vel sine proprij Episcopi dimisso-
rijs sint accepti ex Constitutione Pij Se-

cundi ad literam relata à *Fusch.* suspen-
sio ipso iure incurritur, & administran-

do irregularitas; vt demum ad benefici-
orum priuationem procedi possit: Item

de eo, qui per saltum promotus est; cum
quo tamen ex legitima causa, si non mi-

nistrafferet, Episcopus dispensare pote-
rat. Et qui suscipit aliquem ordinem e-

tiam minorem per Simoniam propriā,
realem ante ordinationem commissam,

licet occultam, quæ sit causa ordinati-
onis, est excommunicatus; etiam si

committatur dando alicui tertio, nō au-
tem Ordinatori. Et illegitimus absque

dispen-

Fusch.
lib. 2. c.
23. n. 16.
Conc.
Trid.
sess. 23.
cap. 12.

Sixt. V.
constit.
29.

dispensatione ordinatus, siue illegitimitas sic publica, siue secreta, est irregularis. Et quando etiam furtim contra prohibitionem ordinantis, si prohibitio fuit sub poena excommunicationis lata sententia, est excommunicatus, & irregularis; cum quo Papa solus dispensat. Qui etiam eodem die duos ordines sacros suscipit, postmodum est suspensus; & in eo Papa solus dispensat.

Si ordinatus fuerit illegitimè cum dimissorijs Capituli, vel eius nomine est suspensus ab executione ordinum, si est in sacris, ad arbitrium futuri prælati; sin autem in minoribus est constitutus, privilegio non gaudet.

Si est excommunicatus, licet minores ordines susceperit, efficitur irregularis, si excommunicatio erat maior; cum quo solus Papa dispensat.

Si verò maiores ordines ad titulum beneficij, pensionis, vel patrimonij non sufficientis, & actu non possit susceperit, est suspensus; sicut etiam quilibet

alius malè promotus; cum quo solus Papa dispensat.

Itaq; hæc poena communis est contra quoscunq; malè promotos; ut sint suspensè ab executione, ministerio, & exercitio ordinu susceptoru; & siue spe, & facultate ad alios superiores ascendendi. Et si ministrare præsumpserint, sic irregulares effecti, privati sint omnibus dignitatibus, beneficijs, & officijs Ecclesiasticis, & inhabiles facti ad illa, aliavè similia, vel dissimilia obtinenda. At Regulares sunt etiam privati voce activa, & passiva. Et absolutio a reatu, & dispensatio ab irregularitate summo Pontifici reservata est; ita, ut nec per Iubileæ neq; per indulgentias extraordinarias, etiam Cruciatæ sanctæ ab alio absolvi, vel dispensari queant; nisi in articulo mortis ex dicta Constitutione Sixti V. d. const.

Ideo Visicitor advertat, quando post illam Constitutionem promotus fuit, quæ edita fuit Nonis Januarij Incarnationis Domini anno 1588.

CAPVT XII. Circa obtinentes beneficia.

CIRCA verò beneficia obtinentes, eorum q; titulos, videat:

An aliquo Canonico impedimento præcedit sint; & si adest dispensatio an sit ad beneficia & ad quot, & ad qualia.

An ante 14. annum, vel ante primam tonsuram beneficium obtinuerit.

An beneficium sit erectum, & confirmatum ab ordinario, ita ut sit beneficium.

An beneficium sit simplex, an residuale.

Ad quem eius collatio spectet.

An sit eius conditionis, ut beneficiatus necessariò in aliquo ordine, tempore collationis constitutus esse debeat.

An sit tale, ut beneficiatus infra certum tempus debeat ordinari, ut est Ecclesia

Parochialis; vel si esset Archipresbiteratus, vel Præpositura, licet beneficium esset simplex. Et videat an infra illud tempus fuerit promotus.

An item certam ætatem, vel aliam qualitatem requirat. Collatio tamen de Canonicatu, licet beneficium sit clericatus, non autem Canonicatus, tenet. Sicut etiam de Curato pro simplici, & de dignitate pro officio.

An sit Jurispatronatus, & tunc inspicatur, si haberi potest, fundatio.

An beneficiatus legitimè electus, præsentatus, ac institutus fuerit.

An patronis, vel instituentibus aliquid promissum, vel solutum sit.

Borgh.
decis. 17.
sub nu.
21 lib. 1.
Parif.
conf.
16. num.
7 lib. 4.
Staph.
de lit.
grat. de
mod. &
form.
impetr.

I An sit

Nov. d.
cap. 25.
sub n. 69.
cap. 1.
de lit.
presbyt.
Novat.
num. 69.
Novat.
num. 70.

Concil.
Trident.
sess. 7. c.
10. & 11.
22. c. 10.

Concil.
Trident.
sess. 23.
cap. 6.
Rot. dec.
c. 11. de
iure pat.
in antiq.
Folan. in
cap. ex
parte,
de te.
script.
c. licet,
de e.
lea. 6.